



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ბულეიშვილი დავით ამბროსის ძე

ბულეიშვილი დავით ამბროსის ძე [12 (25). X. 1911, ზესტაფონი - 15.07. 2020, თბილისი], გეოლოგი. გეოლ.-მინერალოგიურ მეცნ. დოქტორი (1963), პროფესორი (1968), საქართველ. მეცნ. დამს. მოღვაწე (1974).

1932 დაამთავრა თსუ-ის საბუნებისმეტყველო ფაკ-ტი, გეოლ. განყ-ბა. 1932-35 მუშაობდა საკავშ. სუბტროპ. ინ-ტში (ოზურგეთი), 1935-38 - ქუთ. პედ. ინ-ტში. 1938-41 მოსკ. სახელმწ. უნ-ტის ასპირანტია. 1941-56 ტრესტ „საქნავთობში“ ეკავა სხვადასხვა თანამდებობა. 1956-78 იყო ნავთობის საკავშ. სამეცნ.-კვლ. გეოლ.-საძიებო ინ-ტის საქართველ. განყ-ბის (შემდგომ ნავთობის მრეწვ. ჩრდ. კავკ. სახელმწ. სამეცნ.-კვლ. და საპროექტო ინ-ტის საქართველ. განყ-ბა; ახლანდ. საქართველ. ნავთობის სამეცნ.-კვლ. და საპროექტო ცენტრი) გამგე, 1978-86 - გეოლ. განყ-ბის გამგე, 1986-იდან მთავარი მეცნ. თანამშრომელია.

მისი შრომები ეხება საქართველ. ნეოგენური ნალექების სტრატეგრაფიას, აღმ. საქართველოს მთათაშუეთის გეოლ. აგებულებასა და ნავთობაირიანობას. 1968-78 იყო ი. გუბკინის სახ. ნავთობისა და აირის მრეწვ. სამეცნ.-ტექ. საზ-ბის რესპ. გამგეობის თავ-რე. 1966-70 პედ. მოღვაწეობას ეწეოდა საქართველ. პოლიტექ. ინ-ტში.

მიღებული აქვს სახელმწ. ჯილდოები.

*თბზ.*: Геологическое строение межгорной депрессии Грузии и перспективы ее нефтеносности, წგზ.: Очерки по геологии СССР, т. 3, Л., 1957; Геология и нефтегазоносность межгорной впадины Восточной Грузии, Л., 1960; Геологические

предпосылки открытия крупных нефтяных месторождений в миоценовых отложениях Восточной Грузии, წგნ.: Вопросы геологии Грузии. К XXII сессии международного геологического конгресса, Тб., 1964; геология СССР, т. 10 – Грузинская ССР, ч. 1 – Геологическое описание, М., 1964 (თბილისი).

**3. ჯავრიშვილი**

---